

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН

ШУӖМ

«Коми Республикаын гражданаӧс дон босьттӧг

юридическӧй отсӧгӧн могмӧдӧмын юалӧмъяс йылысь»

Коми Республикаса Оланпас збыльмӧдан мераяс йылысь»

Коми Республикаса Воськӧдлан котырлӧн 2017 во ӧшым тӧлысь

12 лунся 635 №-а шуӧмӧ вежсьӧмъяс пыртӧм йылысь

Коми Республикаса Воськӧдлан котыр шуис:

1. Пыртны «Коми Республикаын гражданаӧс дон босьттӧг юридическӧй отсӧгӧн могмӧдӧмын юалӧмъяс йылысь» Коми Республикаса Оланпас збыльмӧдан мераяс йылысь» Коми Республикаса Воськӧдлан котырлӧн 2017 во ӧшым тӧлысь 12 лунся 635 №-а шуӧмӧ татшӧм вежсьӧмъяс:

1) 3 пунктын «3¹ статьяса 3 - 5 юкӧнъясын» кывъяс бӧрын содтыны «, 3² статьяса 1 юкӧнын» кывъяс;

2) 7 пунктын:

а) 3 пунктулын «3 №-а содтӧд серти.» кывъяс вежны «3 №-а содтӧд серти;» кывъясӧн;

б) содтыны татшӧм сюрӧса 4 пунктыв:

«4) Пикӧ воӧм гражданагы экстреннӧй случайясын дон босьттӧг юридическӧй отсӧг сетӧм йылысь помшуӧмъяс примитан пӧрадок 3¹ №-а содтӧд серти.»;

3) содтыны 3¹ №-а содтӧд тайӧ шуӧм дорӧ содтӧд серти.

2. Тайӧ шуӧмыс вынсялӧ сийӧс официальной йӧзӧдан лун бӧрын дас лун кольӧм мысти да паськалӧ 2022 вося йирым тӧлысь 1 лунсянь артмӧм инӧда йитӧдъяс вылӧ.

Коми Республикаса Веськӧдлан котырӧн

Юрнуӧдысьӧс Медводдза вежысь

Э. Ахмеева

Сыктывкар

2022 вося йирым тӧлысь 5 лун

502 №

Коми Республикаса Веськӧдлан котырлӧн
2022 во йирым тӧлысь 5 лунся 502 №-а шуӧм дорӧ
СОДТӦД

«ВЫНСЬӦДӦМА
Коми Республикаса Веськӧдлан котырлӧн
2017 во ӧшым тӧлысь 12 лунся 635 №-а шуӧмӧн
(3¹ №-а содтӧд)

Пикӧ воӧм гражданагы
экстреннӧй случайясын дон босьттӧг
юридическӧй отсӧг сетӧм йылысь помшуӧмъяс примитан

ПӦРАДОК

1. Тайӧ Пӧрадогыс ладмӧдӧ дон босьттӧг юридическӧй отсӧг сетан канму система серти Коми Республика мутасын олысь Россия Федерацияса пикӧ воӧм гражданагы (водзӧ – граждана) экстреннӧй случайясын дон босьттӧг юридическӧй отсӧг сетӧм йылысь помшуӧмъяс примитан юалӧмъяс.

Тайӧ Пӧрадогын вӧдитчӧны татшӧм медшӧр кыввежӧртасьясӧн:

1) экстреннӧй случай – случай, мый артмӧма гражданинлӧн олӧмлы либӧ дзоньвидзалунлы грӧзитысь происшествиеяс да лоӧмторьяс вӧсна, да дзик пыр корӧ сетны дон босьттӧг юридическӧй отсӧг (пӧжар, ойдӧдӧм, террористическӧй акт);

2) пикӧ воӧм – тайӧ лоӧмтор либӧ лоӧмторьяс, кутшӧмъяс лӧкмӧдӧны гражданинлысь олан условиеяссӧ да кутшӧмъяслысь колясьяссӧ сійӧ оз вермы бырӧдны ас кежысь (ыджыд арлыд либӧ висьӧм вӧсна гражданинлӧн асьсӧ могмӧдны вермытӧмлун, гражданинлӧн торья оланін абутӧмлун, гражданинӧс уджтӧмалысьӧн шуӧм).

2. Тайӧ Пӧрадок серти экстреннӧй случайясын дон мынтытӧг

юридическӧй отсӧг босьтӧмла шыӧдчӧм вылӧ инӧдыс эм граждана лӧн, кодьясӧс индӧма «Коми Республикаын гражданаӧс дон босьттӧг юридическӧй отсӧгӧн могмӧдӧмын юалӧмъяс йылысь» Коми Республикаса Оланпаслӧн 3² статьяса 1 юкӧнын (водзӧ – Коми Республикаса Оланпас).

3. Граждана вермӧны збыльмӧдны дон мынтытӧг юридическӧй отсӧг вылӧ асьыныс инӧдсӧ асьныс либӧ найӧс петкӧдлысьяс пыр.

4. Граждана лы дон босьттӧг юридическӧй отсӧгсӧ сетӧны Коми Республикаса Воськӧдлан котырлӧн киподувса Коми Республикаса олӧмӧ пӧртысь власьт органьяс, Коми Республикаса министерствояслӧн ведомствоувса Коми Республикаса олӧмӧ пӧртысь власьт органьяс (водзӧ – Коми Республикаса олӧмӧ пӧртысь власьт органьяс), Коми Республикаса канму учреждениеяс, кодьяс серти Коми Республикаса олӧмӧ пӧртысь власьт органьяс збыльмӧдӧны учредитысьлысь могьяссӧ да уджмогьяссӧ (водзӧ – канму учреждениеяс), урчитӧм пӧрадокын лӧсьӧдӧм канму юридическӧй бюро (водзӧ – канму юридическӧй бюро) да адвокатьяс, кодьяс лӧӧны дон босьттӧг юридическӧй отсӧг сетан канму системаын участвуитысьясӧн (водзӧ – адвокатьяс), экстреннӧй случайясын дон босьттӧг юридическӧй отсӧг сетӧм йылысь заявление подув вылын форма серти, мый вынсьӧдӧма Коми Республикаса юстиция министерствоӧн (водзӧ – Министерство) да йӧзӧдӧма “Ӧтуввез” юӧртан да телекоммуникация везйын Министерстволӧн официальной сайтын сийӧс вынсьӧдан лунсянь вит уджалан лун чӧжӧн (водзӧ – заявление).

Граждана (найӧс петкӧдлысьяс) экстреннӧй случайясын дон мынтытӧг юридическӧй отсӧг босьтӧмла шыӧдчигӧн заявлениекӧд ӧтлаын сетӧны Коми Республикаса олӧмӧ пӧртысь власьт органьясӧ, канму учреждениеясӧ, канму юридическӧй бюроӧ, адвокатьяслы татшӧм документьяс:

1) паспорт либӧ мукӧд документ, мый эскӧдӧ мортӧс да Россия Федерацияса гражданство;

2) документъяс, кутшӧмъяс эскӧдӧны экстреннӧй случайсӧ да пикӧ воӧмсӧ (актъяс, уполномочитӧм органъяслӧн справкаяс);

3) документ, мый эскӧдӧ гражданинӧс петкӧдлысьлысь уджмогъяссӧ, кодӧ вермӧ босьтны экстреннӧй случайясын дон мынтытӧг юридическӧй отсӧгсӧ, да паспорт либӧ гражданинӧс петкӧдлысьӧс эскӧдысь мукӧд документ – сэк, кор гражданин шыӧдчӧ экстреннӧй случайясын дон мынтытӧг юридическӧй отсӧг босьтӧмла петкӧдлысь пыр.

Гражданин (сӧйӧс петкӧдлысь) сетӧ документъяссӧ оригинальясӧн либӧ урчитӧм пӧрадокын эскӧдӧм копияясӧн.

Сэк, кор граждана (найӧс петкӧдлысьяс) шыӧдчӧны Коми Республикаса олӧмӧ пӧртысь власьт органъясӧ, канму учреждениеясӧ, канму юридическӧй бюроӧ, Коми Республикаса олӧмӧ пӧртысь власьт органъяс, канму учреждениеяс, канму юридическӧй бюро асьныс корӧны тайӧ пунктса 2 пунктулӧн урчитӧм документъяссӧ органъяслысь (организацияслысь), кодъяслӧн веськӧдлӧм улын лоӧны индӧм документъясыс. Граждана (найӧс петкӧдлысьяс) индӧм случайын вермӧны сетны тайӧ пунктса 2 пунктулӧн урчитӧм документъяссӧ ас кӧсйӧм серти.

Сэк, кор граждана (найӧс петкӧдлысьяс) шыӧдчӧны экстреннӧй случайясын дон мынтытӧг юридическӧй отсӧг босьтӧмла адвокатъяс дорӧ, тайӧ пунктса 2 пунктулӧн урчитӧм документъяссӧ гражданина (найӧс петкӧдлысьяс) сетӧны асьныс.

Заявление да сы дорӧ содтӧм документъясыс, кутшӧмъясӧс индӧма тайӧ пунктын, пасйысьӧны Коми Республикаса олӧмӧ пӧртысь власьт органъясӧн, канму учреждениеясӧн, канму юридическӧй бюроӧн, адвокатъясӧн налӧн воан лунӧ заявление да сы дорӧ содтӧм документъяс босьтӧм йылысь гижсьӧг сетӧмӧн налысь лыддьӧгсӧ да воан кадпассӧ индӧмӧн.

5. Коми Республикаса олӧмӧ пӧртысь власьт органъяс, канму учреждениеяс, канму юридическӧй бюро да адвокатъяс тайӧ Пӧрадок серти примитӧны гражданинлы дон босьттӧг юридическӧй отсӧг сетӧм

йылысь помшүом либö гражданинлы дон босьттöг юридическöй отсöг сетöмын öткажитöм йылысь помшүом да оформитöны сийöс гижöмөн, а сідзжö юöртöны гражданинлы (сийöс петкöдлысьлы) примитöм помшүом йылысь сэтшöм ногөн, кутшöмöс гражданин (сийöс петкöдлысь) индiс шыödчигөн, заявление да документъяс, кутшöмъясöс индöма тайö Пöрадоклөн 4 пунктын, босьтан лун бöрын мунысь öти уджалан лунысь оз сёрнджык.

Дон босьттöг юридическöй отсöг сетöм йылысь помшүом лöö документөн, мый эскöдö дон мынтытöг юридическöй отсöг босьтöм вылö гражданинлысь инöдсö.

6. Дон босьттöг юридическöй отсöг сетöмын öткажитöм йылысь подулалöм помшүомсö примитöны сэк, кор эм татшöм подувъясысь öти:

1) абу сетöма (абу тырвийö сетöма) документъяссö, кутшöмъясöс индöма тайö Пöрадоклөн 4 пунктын, документъяс кындзи, кутшöмъясөн веськöдлöны органъяс (организацияс);

2) заявлениеөн шыödчöны гражданина, кодъяслөн тайö Пöрадоклөн 2 пункт серти экстреннöй случайясын дон мынтытöг юридическöй отсöг босьтöм вылö инöдыс абу.

Гражданаалөн эм инöд выль пöв шыödчыны Коми Республикаса олöмö пöртысь власьт органъясö, канму учреждениеясö, канму юридическöй бюроö, адвокатъяс дорö дон босьттöг юридическöй отсöг сетöмын öткажитан подувсö бырöдöм бöрын, кутшöмöс индöма тайö пунктлөн 1 пунктулын.

7. Коми Республикаса олöмö пöртысь власьт органъяс, канму учреждениеяс сетöны гражданаалы дон босьттöг юридическöй отсöг устнöя да гижöмөн инöд боксянь консультируйтöмөн юалöмъяс серти, кутшöмъяс пырöны налөн компетенцияö.

Канму юридическöй бюро да адвокатъяс сетöны гражданаалы дон босьттöг юридическöй отсöг случайясын, кутшöмъясöс урчитöма «Россия Федерацияын дон босьттöг юридическöй отсöг йылысь» Федеральнöй

оланпаслӧн 20 статьяса 2 юкӧнӧн (водзӧ – Федеральной оланпас) да Коми Республикаса Оланпаслӧн 3¹ статьяса 3 юкӧнӧн, юалӧмъяс серти, кутшӧмъясӧс индӧма Федеральной Оланпаслӧн 21 статьяса 1 юкӧнын. Дон босьттӧг юридической отсӧгсӧ сетӧны Федеральной оланпаслӧн 20 статьяса 2, 3 юкӧнъясӧн да Коми Республикаса Оланпаслӧн 3¹ статьяса 3, 4 юкӧнъясӧн урчитӧм сикасьясын.

8. Устнӧя инӧд боксянь консультируйтӧмӧн гражданы дон босьттӧг юридической отсӧгсӧ сетӧны Коми Республикаса олӧмӧ пӧртысь власьт органъяс, канму учреждениеяс, канму юридической бюро, адвокатъяс дон босьттӧг юридической отсӧг сетӧм йылысь помшуйӧм примитан лунӧ либӧ гражданинкӧд (сйӧс петкӧдлыськӧд) сӧрнитчӧм серти кадколастӧ.

Гижӧмӧн инӧд боксянь консультируйтӧмӧн гражданы дон босьттӧг юридической отсӧгсӧ сетӧны Коми Республикаса олӧмӧ пӧртысь власьт органъяс, канму учреждениеяс, канму юридической бюро, адвокатъяс дон босьттӧг юридической отсӧг сетӧм йылысь помшуйӧм примитан лунсянь вит уджалан лун чӧжӧн.

Шыӧдчӧмъяс, норасьӧмъяс, ходатайствояс да мукӧд инӧда документ лӧсьӧдӧмӧн гражданы дон босьттӧг юридической отсӧгсӧ сетӧны канму юридической бюро да адвокатъяс дон босьттӧг юридической отсӧг сетӧм йылысь помшуйӧм примитан лунсянь вит уджалан лун чӧжӧн.».